

ნიკნოე

13

ეროვნული
ბიბლიოთეკა

გამოსვლის 57-ე წელი, (11-1575) • ივლისი, 1980, ფასი 20 კპ.

ნან ა. კანდელაკიძე



ქმევან მოსკოვი დატუნას
გულთბილი მოუწყეს გაცილებას!
თუმცა სხვა მხედვება გვიჩი სცადეს
მისი თავიდან ატყობას!

მ. ჯანაშვილი

მარადი მოსკოვ-ქალაქი,
ლალისფერ შუქში დანთქმული,
დგას კრემლის წმინდა ალაგით
და მასპინძლობით განთქმული.

ერთობა, ბრძოლა სპორტული
და ძმური ოლიმპიადა! —
მოსკოვის ცაზე ანთია
ეს სხივნათელი ტრიადა!

სუფევდეს განწყობილება
ვარსკვლავური და მზიური,
რომ ყველას დასთამაშებდეს
ღიმილი ოლიმპიური!

ძირს უნდობლობის ყინული,
და მტრობის ჯებირ-კედლები!
დე, ღირსეულმა მოიპკოს
ოქროს და ვერცხლის მედლები!

დე, საჯილდოდ შემოკრბნენ
ზანგებიც, ესკიმოსებიც,
რომ კბილებს აკრატუნებდნენ
ვაშინგტონელი „ბოსები“!

„მოსკოვს ბოიკოტს ვუცხადებთ!“ —
ისმის კარტერის ტირადა —
„თუ ვინმე ნასვლას იფიქრებს,
ვფიცავ, დავესვამ ძვირად!“

დავიჭერ, ჩავსვამ ციხეში,
დავაღებ კონტრიბუციას!
კონსტიტუციას რას ვაქნევ?
მთლად შევცვლი კონსტიტუციას“

ამ ბუკიოტის ბოიკოტს
ხმა მოსდევს არანაირი,
ბოლოს ძლივს გაეპასუხა
ის რ ა ე ლ ი და ზ ა ი რ ი.

ე გ ვ ი პ ტ ე მ ხეულა ასტეხა,
ჰ ა ი ტ მ ა — ნკმუტუნ-ნრიალი,
მათაც უკულმა გაიგეს
ამ სოფლის ნაღმა ტრიალი!

აჰა, ბოიკოტს მხარს უჭერს
დღეს არ აბეთიც საუ დ ი ს —
სხვა რა ჰქნას? — ორი კინკილა
ვაი-სპორტსმენი დაუდის!

„მსოფლიო სპორტულ ფორუმზე
არც არასოდეს ყოფილა,
არც ახლა წავა!“ — ეს ცნობა
ვაშინგტონისკენ მიფრინავს!


და ამ დროს ვაშინგტონისკენ
სხვა ცნობაც მიჰქრის ფრთხალი,
ყურს უგდებს კბილთა ღრჭენითა
კ ა რ ტ ე რ ი, თვისი ამალით.

მოსკოვის ოლიმპიადას
ტაშს უკრავს დიდი ხანია
ს ა ფ რ ა ნ გ ე თ ი და შ ვ ე ც ი ა,
ი ტ ა ლ ი ა და დ ა ნ ი ა!..

„ისმინეთ!“ — ერთხმად გუგუნებს
ე ვ რ ო პ ა ა თუ ა ზ ი ა, —
„მოსკოვის ოლიმპიადა
ჩვენი სპორტული ხაზია!

ავი მუქარა, სისინი
არასპორტული რანგია,
იგრძნობენ, თუ არ უგრძნიათ
ვერაგი ბუმერანგია!

ჩვენ არ გვსურს ძმობის ზეიმი
და სიხარული მოვიკლოთ,
ბოიკოტს თავად ვუცხადებთ
ბუკიოტების ბოიკოტს!“



ოლიმპიური კადეიდოსკოპი

კონან დოილის „დათუური სამსახური“

1908 წელს ლონდონის IV ოლიმპიადაში 56 მარათონელი მონაწილეობდა. მათ შორის იყო იტალიელი ღორანდო პიეტრი, რომელიც თავიდანვე რუსების ლიდერთა ჯგუფში მოექცა. ორსაათიანი მანძილის შემდეგ იგი „უაიტ-სიტის“ სტადიონზე შემოიჭრა და სულ რაღაც ერთი წრის შემდეგ ჩემპიონის ტიტულსაც დაეუფლებოდა, მაგრამ პალამ უმტყუნა და ფინიშიდან 70 მეტრის დაშორებით წააგვტა. მსჯელები უმაღლესი ხარისხის განმარტებით, მაგრამ ხელი არავინ წააშველა, რადგან პიეტრი და მისი შეჯიბრებიდან მოხსნა ერთი იქნებოდა. პიეტრი გაჭირვებით წამოიღო, გააკეთა კიდევ ორმოციოდე ნაბიჯი, ისევ წაიქცა და კანება დაკარგა...

სტადიონი გუგუნებდა... ამასობაში, ის-ის იყო, ბილიკებზე გამოჩნდა აშერიკელი ჰონ ჰეიესი, რომ პიეტრისთან ორი მამაკაცი მიიჭრა, ერთი მსაჯი და ერთი ჟურნალისტი, დაავლეს ხელი, წამოაყენეს და ასე თრევა-თრევით გადააქვეთინეს ფინიშის ლენტში.

მსაჯთა კოლეგიამ იმსჯელა და ღორანდო პიეტრი მოხსნა შეჯიბრებიდან. პირველი ადგილი ჰეიესს მიაკუთვნეს, თუმცა არც პიეტრი დაუტოვებიათ უფრადლებოდ: მას სპეციალური ოქროს თასი გადაეცა.

ის ჟურნალისტი კი, ვინც ეს „დათუური სამსახური“ გაუწია იტალიელ მარათონელს, შერლოკ ჰოლმსის მამად წოდებული არტურ კონან დოილი გახლდათ.

საქიდაო მარათონის მსხვერპლი

1912 წელს V ოლიმპიადას სტოკჰოლმში უმასპინძლა. კლასიკურ ჭიდაობაში რუსეთიდან კლავინი გამოდიოდა. წინასწარ ასპარეზობაში მისი მეტოქე იყო ფინელი ასაკაინენი. ორთაბრძოლა ქულებით რუსმა მოჭიდავემ მოიგო და ფინალში გავიდა, მაგრამ... როგორც გამარჯვებული, ისე დამარცხებული ხელში ატატებული გამოიყვანეს არენიდან და გასახდელში საწოლებზე დააწვივნეს. ფინალში კლავინის მეტოქე ახალგაზრდა შვედი მოჭიდავე უნდა ყოფილიყო, მაგრამ სპორტსმენმა არათუ ჭიდაობა, ლოგინიდან წამოდგომაც ვერ შეძლო.

საქმე ის იყო, რომ იმ დროს ჭიდაობაში ორთაბრძოლის დრო არ იყო შეხლულული და კლავინ-ასაკაინენის შერკინებამ ზუსტად 10 საათისა და 15 წუთის გასტანა.

გამარჯვების მიზეზი — კრაზანა

რომის 1960 წლის XVI ოლიმპიადაზე საგზატკეცილო გუნდურ კი-ლორბოლაში პირველ ადგილზე იტალიელები აღმოჩნდნენ.

— ჩვენ მხოლოდ მეზამე ადგილს გვეგმავდით! — უთხრა კორესპონდენტებს გაოცებულმა და გახარებულმა მწერთელმა.

— სრული სიმართლეა, მაგრამ ჩვენ მაინც პირველ ადგილზე აღმოვჩნდით, სხვა გზა არ გვქონდა! — დაუმატა გუნდის წევრმა ანტონიო ბალეტომ, — გზაზე თავს კრაზანები დაგვესხნენ. ერთი მათგანი ზედ კოჭზე მეცა. გაგმწარდი და, მეორესაც რომ არ დავეკბინე, მთელი ენერგიით მოვუსვამ წინ. შემდეგ ჩვენი გუნდის წევრებიც ამევენ ტემპში და შედეგად არ დააყოვნა!

„ბაფრენა აკრძალულია!“

ფელეტონი

ვაშინგტონისათვის „სოლიდარობის“ გამოცხადებით გერმანიის ფედერაციული რესპუბლიკის მმართველმა წარებმა მამებლურად გაიზიარეს ამერიკის „თვალსაზრისი“ მოსკოვის ოლიმპიადის თაობაზე. მათი ზეგავლენის გამო ეროვნული ოლიმპიური კომიტეტის მიერ მიღებულმა გადაწყვეტილებამ — მონაწილეობა არ ზიილოს თამაშებში — დასავლეთგერმანელ სპორტსმენთა აღშფოთების ქარიშხალი გამოიწვია.

გთავაზობთ ჰამბურგის „ცაიტუნგ“ დაბეჭდილ ფელეტონს.

კიდეზ რა უნდა გააკეთოს ბონმა ისეთი, ჩვენმა ოკეანეს-გალმელმა მოკავშირემ დანამდვილებით დაიჯეროს — მოსკოვის ოლიმპიადაზე არც ერთ სპორტსმენს რომ არ გავუშვებთ? გულახდილად რომ ითქვას, რალაც-რალაცა ზომები ჯერ კიდევ გვაქვს ძარაგში. მაგალითად, ყველაზე მონდომებულ ოლიმპიელებს შეიძლება შევუქმნათ წინაღობა სასაზღვრო დაცვის რაზმების სახით.

წარმოვიდგინოთ გონებაში აეროპორტი კიოლნი-ბონი ივლისის ერთ მშვენიერ მზიან დღეს.

— თქვენი პასპორტი და ბილეთი! გმადლობთ! აჰ, თქვენ მოსკოვში მიფრინავთ?! ბაგაჟში რაიმე სპორტული იარაღი ხომ არა გაქვთ შემთხვევით?! შუბი, მაგალითად, ბირთვი ან ურო?!.

— არა! ჩაქუჩი მიღევს მხოლოდ ჩანთაში!

— ჰმ... უროს სატყორცნად?!

— რასა ბრძანებთ?! უფრო სწორად, ლურსმნის ჩასაჭედად!

— ჰმ.. ცოტა ხანს გვერდზე გადაქეთ, გავარკვევთ. შემდეგი! მოსკოვს მიფრინავთ?! ოლიმპიურ სტარტებში მონაწილეობა ხომ არ გნებავდათ, შემთხვევით?!.

— მე? სამოცდაათს გადაცილებული ვარ!

— ვინ იცის თქვენი ამბავი! იქნებ მწვრთნელი ხართ?! ჯერჯერობით განზე გადაქეთ! შემდეგი!... საით მიბრძანდებით?!.

— ვენაში.

— გასაგებია, იქიდან — მოსკოვს, ოლიმპიადაზე, ხომ?!

— არა, იქიდან გრაცში მივდივარ, დის ქორწილში.

— შემდეგი!.. რა მიზნით მიფრინავთ მოსკოვს?!

— მეგობრები უნდა ვინახულო.

— კი მაგრამ, რომ გამოგიჭიროთ და დაგიმტკიცოთ, 400 მეტრზე თავისუფალი სტილით ცურვაში მონაწილეობა გასურთ-მეთქი?!

— მაშინ მე უნდა დაგიმტკიცოთ, რომ ცურვა არ ვიცო.

— ხედავთ, აი, იქ აუზს?! სამი მეტრი სიღრმე, აქვს. კეთილი ინებეთ და გაიარეთ შემოწმება, ცურვა რომ არ იცით! შემდეგი..

— ახლავე გიპასუხებთ, რომ სპორტიდან ძალიან შორს ვდგავარ!

— მაშინ საწვრთნელი კოსტიუმი რად მიგაქვთ?!

— მომისმინეთ, ეს ხომ ჩემი საწოლის პიჯამაა?!

— პარღონ! შემდეგი!.. მიგაქვთ თუ არა აკრძალული სპორტული იარაღები?!

— მათი არსებობა პირველად ახლა გავიგე.

— მაშინ ეს რაღაა?

— გასაბერი ნავტიკი.

— მაპატიეთ, მაგრამ დარჩენა მოგიწევთ! შემდეგი!..

— მე მოსკოვში მელოდებიან!

— მჯერა. მაგრამ უსაფრთხოების მოსაზრებებით ჩვენ ნებას ვერ მივცემთ სპორტსმენებს, მოსკოვს გაემგზავრონ! იმ მონაცემების მიხედვით, რომლებიც ჩვენს კომპიუტერში ინახება, თქვენ მსროლელთა კლუბის წევრი ბრძანდებით! დაგვეთანხმებით, ალბათ, რომ რისკზე ვერ წავალთ!

— რა რისკზე?

— ამერიკის უსაფრთხოების დარღვევის რისკზე.

— კი მაგრამ, ვინ ამბობს მაგას?

— პრეზიდენტი კარტერი. მან თქვა, რომ თუ ამერიკელი სპორტსმენები მოსკოვის სტარტზე გამოვლენ, ამერიკის უსაფრთხოებას დიდი საფრთხე დაემუქრებათ! შემდეგი!.. სად გარბიხართ?!

— თვითმფრინავზე მაგვიანდება, უკვე გამოაცხადეს კიდეც, ჩასხდომა მთავრდება!..

— მაშინ იცოდეთ, თუ შესძელით და ეს ასი მეტრი გაფრენამდე დარჩენილ 9,8 წამში გაიარბინეთ, ტრაპიდან მოგხსნით! შემდეგი!..

გაზეთი „ზა რუბეჟომ“

ამერიკის შეერთებული შტატების ადმინისტრაციამ ყველა ზომა იხმარა იმისათვის, რათა საერთაშორისო ბოიკოტით ჩაეშალა მოსკოვის ოლიმპიადა.

(გაზეთებიდან)

ბიზლირთეკა

ნახ. ზ. ლომიძისა



ამერიკული ბოიკეტი

გოლი-საკუთარ ქარში!

ამერიკის ბევრი კომპანიის საწყობებში დაგროვდა უამრავი პროდუქცია, რომელიც დამზადდა მოსკოვის ოლიმპიადაზე სარეალიზაციოდ. „პრეზიდენტმა კარტერმა“, — წერს დასავლეთის პრესა, — „ამერიკის ოლიმპიური კომიტეტი მიაჩნია, რომ ბოიკოტის ფინიშამდე“, — და ახლა ფირმები დიდძალ ზარალს ნახულობენ. კომპანია „დეიპკინ თოიზი“, მაგალითად, ველარ ჰყიდის სათამაშო დათუნების პარტიას, რაც მას სამი მილიონი დოლარის ზარალს უქადის. ამავე მდგომარეობაში აღმოჩნდა ჩიკაგოს ერთი ფირმაც, რომელმაც დაამზადა ოლიმპიურემბლემიანი 50 ათასი ბრელოკი და სხვა ნაკეთობა. ფირმა „კოკა-კოლა“ ხელიდან გაუშვა შესაძლებლობა, გაეყიდა 20 მილიონი დოლარის გამაგრებელი სასმელი. გარდა ამისა, როგორც ლოსანჯელესელმა მეწარმემ სტენფორდ ბლამმა განაცხადა, „კარტერის ბოიკოტმა ბაზრის წვრილ მეწარმეებს ხელიდან წარსტაცა 100 მილიონი დოლარი“. დაზარალებული 58 ფირმის გაერთიანებამ მოითხოვა, კარტერის ადმინისტრაციამ შეიძინოს ოლიმპიადისათვის დამზადებული ყველა ნაკეთობა.

„ნოვოა ვრემია“





ნახ. ა. კანდელაკისა

— მარცხნივ, თეთრი და რუხი ლაქებით, ჩვენი სოფლის ნახირია, მარჯვნივ — ყავისფერითა და თეთრით — ჩვენი სტუმრები!..

მფრინავი ქამარი

ამ ქამარზე ფიქრი საქართველოში 1976 წლიდან დაიწყო, მეცნიერული დასაბამი კი 1977 წლის 16 თებერვალს მიეცა, როცა თბილისელმა ვ. ბობოხიძემ „მედიცინისა და ვეტერინარული მედიცინის“ წიგნითა ცნობა მიხი აღმოჩენის შესახებ.

წინასწარ მინდა გაგაფრთხილოთ — რეაქტიული ქამარი არავის გეგონოთ, არც მფრინავი პოლანდიელის ნაქონი ღვედი, ჩვეულებრივი თხის ტყავისაგან შეკერილი ქამარი გახლავთ, მაგრამ მაგარიც ის არის, რომ მის „აღმოჩენას“ საქართველოში მრავალი მეცნიერის ფიქრი და უძილო ღამე შეეწირა!..

სამეცნიერო ექსპერიმენტი კი ასე დაიწყო: თბილისელი ვ. ბობოხიძის ჰიპოთეზას ასეთი ქამრის არსებობის შესახებ საექვოდ მიიჩნევენ ქართული ვაჭრების რედაქციები და ჯანმრთელობის დაცვის სამინისტროს უგზავნიან ამ ცნობას, სამინისტრო სამეცნიერო საბჭოს აძლევს განსახილველად, საბჭოს ბიურო — „საქმედტექნიკის“ სამმართველოს, „საქმედტექნიკა“ — სამეცნიერო საბჭოს, სამეცნიერო საბჭო — სამინისტროს მთავარ სამმართველოს, მთავარი სამმართველო — კვლავ „საქმედტექნიკას“, „საქმედტექნიკა“ — სამმართველოს, სამმართველო — ჯანდაცვის სამინისტროს მთავარ ნევროპათოლოგს და ა. შ. და ა. შ.

მიმოწერის ამ კორიანტელში ფუჭი ვაჭრების სროლასავით გაისმის სიტყვები: „ბრ მიგვაჩენია მართებულად შალის ქსოვილის ხაზარაბა გახდეს მეცნიერული და კლინიკური პარამეტრების საბაზისი...“, „შალის თეთრადული სამაურნალო მიუხედავად არ არის ჩვენი ნომინალური...“

ვიდრე საქართველოს ჯანმრთელობის დაცვის სამინისტროს უწყება-დაწესებულებებსა და ინსტანციებს ფუჭი ვაჭრებით ასეთი ღვედი ჰქონდათ გაჩაღებული, აქვე, მათ გვერდით — საქართველოს სოცურწინველყოფის სამინისტროს თბილისის საპროტეზო-ორთოპედიულ ქარხანაში — თავისით შემოფრინდა თხის ტყავისაგან შეკერილი, აბზინდიანი შესაკრავით დამზადებული ქამარი.

— ავადმყოფი გადმოვაფრინე მოსკოვიდან, სახლამდე მივააცილე. საავადმყოფოს ინვენტარად ვითვლები და, ამიტომ, ვაღდებუდი ვარ, უკან დავბრუნდე, — უთხრა ქამარმა ქარხნის სპეციალისტებს, — მაგრამ რაკი გავიგე, რომ ჩემი არსებობა საქართველოს მედიკოსებს საექვოდ მიაჩნიათ, გთხოვთ გადაიღოთ თარგი და ქართველი ქამარ-ხანჯლის მოყვარული პაციენტების გული გაახაროთ!

ქარხნის სპეციალისტები მაშინვე დაფაცურდნენ და სულ მალე დაფაზე ნიმუშად გამოჰქიდეს მისი პირველი ეგზემპლარი. გამოჰქიდება ვინ აცალა! — ერთ-ერთი პირველი, ვინც თხის ტყავის ქამრით დაიშვენა წელი, თვით ვ. ბობოხიძე იყო. შემოიკრა თუ არა წელზე, მაშინვე ჯანდაცვის სამინისტროს მუშაკებს ჩამოუარა და ყველას ჰკითხა, მიხდება თუ არაო.

მედიკოსებმა სათვალეს დაუწყეს ძებნა, შეუიარაღებელი თვალით ვერ ვხედავთო. მათი ახლომხედველობა, შესაძლოა, არც იყოს დასაძრახი, თუკი ეს ორგანიზმის პათოლოგიიდან მომდინარეობს, მაგრამ რა ვუყოთ ისეთ სიბეცეს, რომელიც გულგრილობიდან იღებს სათავეს?!

ისიც საკითხავია, ჯანმრთელობის დაცვის სამინისტროს სულ სხვადასხვა რანგის სპეციალისტებმა, სხვა თუ არაფერი, ყურმოყვრით მაინც არ უნდა იცოდნენ, რა ხდება თბილისის საპროტეზო-ორთოპედიულ ქარხანაში?!

სწორედ რომ შესაშური გულისხმიერებაა ჩატეული თქვენს მიმოწერაში, პაციცემულო ექიმებო!

არაღინდო არღაშენია

ტურა და ნელია

ტურამ — ფერმაში დასაწყისი წყნით უთხრა ნელიას: „ასე ჩემი ცხოვრება, ძმაო, მართლაც ძნელია: ფერმაში რომ დაძვრები, ჩემდა ჭკუის შემშლელად, შენი მუცლის ავსებას არაფერი ეშველა!“

მე კი დავრჩი ძვალ-ტყავი და ნერვებზე ვიმღებო!.. ფერმაში თუ არ მოხვალ, — მხოლოდ ამით მიშველი! ცოტა მეც დამიტოვე, სულ რომ ყნოსავ გალიებს, ხელის ჭუჭყსაც მოგცემ და მოდი, ღვინოც დალიე!“ „გადირიე, შე კაცი?!“ „სინდისს ჰკარგავ სრულიად?!“ „ხომ იცი, რომ ამ გროშებს ბინძურ ქრთამის სუნი აქვს?!“ „აწრიალდნენ ქათმები მელას აურზაურზე...“ „მარტო ღვინო დავლიო? ამას უნდა საუზმეც!“ —

მოიქნია მელიამ სიტყვა, როგორც სიათა, მიხვდა ფერმის დარაჯიც და დედალი მიართვა. ბოლოს წუწკმა მელიამ შეუცინა ქვემოლან: „ის თავტვლაპა ვარიკაც ვახშმად შეამებოდა!“

— —

ბევრგან, ჩემო მკითხველო, ისეა თუ ასეა, სხვა ხვრელი აქვს ფერმას და მელიებით სავსეა!

ათა გაჩენილაა

სადღებრძელი

თქვენს სადღებრძელს ვსვამ არა იმიტომ, რომ ჩვენი ტრესტის მმართველი ბრძანდებით, არც იმისთვის, რომ ოთხივე ვაჭიშვილი უმაღლესში მოაწყვეთ და ოთხივეს სახლები აუშენეთ, მსუბუქი მანქანები უყიდეთ, ერთ სიძეს აგარაჯი აუქეთ, მეორეს დისერტაცია და-აცვევინეთ, მეზობლების გულის გასახეთქად საკუთარი ბინა უმაღლეს დონეზე გაარემონტეთ!.. არც იმისათვის გადღებრძელეთ ასე განსაკუთრებით, რომ ორმოცი შემნახველი სალარო თქვენი დანაზოგით სულდგმულობს, არც იმისთვის, — ჩვენდამი, ხელქვეითებისადმი რომ დიდი მომთხოვნის ხარტ და უფროსების პატივისცემაც იცინოს!.. გადღებრძელობით იმიტომ, რომ ხართ კაცური კაცი, კოლექტივის ერთგული, უმნიშვნელო, უანგარო და უადრესად პატიოსანი!.. გაგიმარჯოთ!

მოისმინა
ზაალ გახუტიშვილმა

ანატომიური ლექსიკონი

თავი — ყველა ორგანოზე ერთი თავით მაღლა მდგომი ორგანო. თავი მაშინ აბამს თავს თავის საქმეებს, როცა თავის აღვილზეა.

გული — საგულდაგულოდ მუშა ორგანო. ადამიანს გული შეიძლება აღძვრდეს, გაუტყდეს, მოუვიდეს, წაუვიდეს, გაუწვრილდეს...

სისხლი — თხიერი ორგანოა, მაგრამ მისი გაშრობა შეიძლება როგორც სახლში, ისე სამსახურში.

ტვინი — კვინი და ზოგჯერ ნიჭიერი ორგანო. იგი მოთავსებულია თავის ქალაში, ანუ კოლოფში. აქედან წარმოიშვა გამოთქმა: „ტვინის კოლოფი“.

ნერვები — ასაშლელ-ასაფორიაქებელი ორგანო. ნერვები არ ეშლება იმას, ვისაც ნერვული სისტემა სისტემაში აქვს მოყვანილი.

კბილები — ძირითადად გამოიყენება ენაზე დასაჭერად. კბილებს, აგრეთვე, იყენებენ: დასაკრეჭად, ამოსაღებად, ჩასასმელად, კევის საღებუად...

თვალი — დასაქაჩ-მისანაბ-ჩასაკრავ-დასაქუქუნებელ-დასაბრიალებელი ორგანო.

ყური — ყურადსაღები ორგანო. ყური ორია. ზოგი სარგებლობს ამით და ერთ ყურში შესულს მეორე ყურიდან უშვებს.

ენა — გაქნილ-მოქნილ-გატლევითი ორგანო. ენა გამოიყენება: სამკურნალოდ, ტვინის გასახერხებლად, გამოსაყოფად...

ფეხები — თვითმომსახურებაზე გადასული ორგანოა. თვითონ დადიან და ეძებენ იმპორტულ ფეხსაცმელს. ფეხებს იყენებენ: ვისმეს ან რაიმეს დასაქიდებლად, პანდურის, წიხლის, ჭიტლაყის ამოსაკრავად, წასაბოროძიებლად, თაბაშირში ჩასადებად, პენალტის გასაფუჭებლად...

გიგლა ბახტაძე

ნახ. პ. ლომიძისა

არცთუ ისე იშვიათად, მეურნეობებში, ინვენტარიზაციის დროს, დანაშაულებრივად ფარავენ დანაკლისისა და დატაცების ფაქტებს, ხოლო ზოგიერთი უსიკონდისო რევიზორი ცალკეულ შემთხვევებში დანაშაულებრივ ურთიერთობას ამყარებს დამტყვევებთან, რა თქმა უნდა, ანგარების მიზნით.
(გაზეთმაღალს)



პახტანბ(მ გ ლ)ური

ნიანგს უაჯუხეზენ

საქართველოს სსრ საყოფაცხოვრებო მომსახურების სამინისტრო:

სათაურით — „მოკითხვითა და ნახვის ნაცვრით“ — „ნიანგის“ გასული წლის 21-ე ნომერში გამოქვეყნებული წერილი ამხელდა გრესტ „საქყოფრემშენის“ იბილიის სარემონტო-სამშენებლო სამმართველოს მუშაობაში არსებულ ნაკლოვანებებს. აღნიშნულ და სხვა ნაკლოვანებებთან გამოსასწორებლად სამინისტროს კომისიამ შეისწავლა სარემონტო-სამშენებლო სამმართველოს მუშაობა.

მოსახლეობის მომსახურების ორგანიზაციაში დაშვებული სერიოზული დარღვევების გამო სამმართველოს უფროსი კ. აბაიძე და მთავარი ინჟინერი თ. ორასხლიშვილი მოიხსნენ თანამდებობებიდან.

მშრომელთა წერილების განხილვისა და მოქალაქეთა მიღების ორგანიზაციის გაუმჯობესების საკითხებზე იმსჯელა კოლეგიის სხდომაზე. გაძლიერდა კონტროლი საჩივრებისა და განცხადებების განხილვის ხარისხსა და ვადებზე.

საქართველოს სსრ საავტომობილო ტრანსპორტის სამინისტროს აჭარის ავტოსატრანსპორტო სამმართველო გაავრცელა:

„ნიანგის“ წლებიდან მე-2 ნომერში დაბეჭდილი ფაქტი — აგარა-ბათუმის მიმართულებით ავტობუსის მარშრუტის გაუქმების შესახებ — სინამდვილეა.

გზის კაპიტალური შეკეთების შემდეგ დაინიშნა და რეგულარულად მუშაობს ავტობუსი მარშრუტით — აგარა-ბათუმი.

თავის მხრივ „ნიანგისადმი“ გამოგზავნილ წერილში სოფელ აგარის მშრომელები რედაქციას მადლობას უთვლიან ყურადღებისათვის.

ნახ. მ. აბაშიძისა



— სად მცალია მე რიგში დასადგო-მად?! გადმოვიგდე ნახევარი ძროხა!

ზანაძე მასობრივი მღელვარება მაიამში, როგორც შეერთებულ შტატებში 1960-იანი წლებიდან არ ყოფილა, სასოწარკვეთილების აფეთქებაა.



ნ.ბ. ლომიძის

უცხოური იუმორი

ცნობილ ვეკილს შესთავაზეს დაეცვა კაცი, რომელსაც მკვლელობა ბრალდებოდა. მასთან შეხვედრის შემდეგ ვეკილმა უარი თქვა შეთავაზებულ წინადადებაზე.

— კი მაგრამ, რატომ? — ჰკითხა მას თანაშემწემ.
— იცით, რა? — უპასუხა ვეკილმა, — მე დავასკვინი, რომ თავისი ფინანსური მდგომარეობით მას არავითარი უფლება არ ჰქონდა, ჩაედინა მსგავსი დანაშაული!

* * *

პასტორმა ინახულა მოხუცი პარისონი, რომელიც კარგა ხანია არ ენახა და ლოგინად ჩავარდნილი

დაუხვდა. ავადმყოფს საწოლთან ტუმბოზე ერთი ბოთლი ვისკი ედგა.

— პარისონ, ნუთუ ეს არის შენი ბოლო ნუგეში?
— არა, მამო, კარადაში კიდევ ერთი ბოთლი დგას!

* * *

პასტორი სოფლის ღუბაში ფრთხილად სერენენს შეხვდა და უსაუვედურა, შენი ქმარი გახულ კვირას ეკლესიიდან ქადაგების დროს გავიდაო.

— მართალი ბრძანდებით, მამო, მეც დიდად ვწუხვარ ამის გამო. მაგრამ რა ვქნა? ამ ბოლო დროს ძილში სიარული დასჩემდა!

მეტყველი რედაქტორი ზაურ გოლჭავაძე
ბ. ლომიძე, ნ. გულაშვილი (მხატვ. რედ.), ბ. ნოზიანიძე, ბ. სიხარულიძე (პეგ. მღვდანი), ბ. ფიცხსალაშვილი, ი. ჯელიძე
ბეჭდვითი რედაქტორი ბ. კახალაშვილი, ● საბირისა და იუმორის ჟურნალი „ნიანგი“. ● თბილისი, რუსთაველის პროსპექტი № 42, ტექნიკური ნაბეჭდი ფურცელი № 1614 უმ 689 ტირაჟი 144,500 ცილის, პრ. რუსთაველი № 42, სატირიკო-იუმორისტული ჟურნალი „ნიანგი“, ● ილია-ტელეფონი: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდება.

სატირიკო-იუმორისტული ჟურნალი „ნიანგი“